

**Siunnersuut uunga: Pinngitsuuisinnaajunnaarnermik katsorsaasarneq pillugu
Inatsisartut Inatsisaat nr. xx, xx.xxx 2018-imeersoq.**
(Peqqissutsimut, Isumaginninnermut, Inatsisinillu atortitsinermut Naalakkersuisoq)

pillugu

Ilaqtariinnermut Peqqissutsimullu Ataatsimiititaliap

siunnersuutip pingajussaaneerneqarneranut

ILASSUTITUT ISUMALIUTISSIISUTAA

Ataatsimiititaliap suliariinninnermini kingullermik makku ilaasortarai:

Inatsisartunut ilaasortaq Laura Táunâjik, Siumut, siulittaasoq

Inatsisartunut ilaasortaq Stine Egede, Inuit Ataqatigiit, siulittaasup tullia

Inatsisartunut ilaasortaq Karl-Kristian Kruse, Siumut

Inatsisartunut ilaasortaq Nivi Olsen, Demokratit

Inatsisartunut ilaasortaq Malene Vahl Rasmussen, Demokratit

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Aqqa Samuelsen, Inuit Ataqatigiit

Siunnersuutip ulloq 22. maj 2019-imi aappassaaneerneqarnerata kingorna inaarutaasumik pingajussaaniinnginnerani Ilaqtariinnermut Peqqissutsimullu Ataatsimiititaliamut innersuuteqqinneqarpoq.

1. Siunnersuutip Inatsisartuni aappassaaneerneqarnera

Siunnersuutip aappassaaneerneqarneranut atatillugu piffinni piginnaasat qanoq atorneqartarnerisa pingaaruteqartiginerat, matumani, katsorsartinnissamut neqeroorutit kiisalu katsorsaariaatsit siunnersummi ilusimisut iluseqartumi ataatsimiititaliap isumaa malillugu ilanngunneqarsimanersut ataatsimiititaliamit nalilersorneqartussanngortinneqarput.

2. Ataatsimiititaliap siunnersummik suliarinninnera

Ataatsimiititaliap siunnersummik suliaqarnerminut atatillugu ulloq 28. maj 2019 Peqqissutsimut, Isumaginninnermut, Inatsisinillu atortitsinermut Naalakkersuisoq siunersiorpaa. Naalakkersuisup oqaaseqaataasa allaffiat ilanngussaq **1-tut ilanngunneqarpoq.**

Ulloq 28. maj ataatsimiinnermi Naalakkersuinikkut isummanik eqqartuisoqarpoq. Pinngitsuuisinnaajunnaarnermut katsorsaanermi nukiit namminersortut allat sapinngisaq tamaat ilanngullugit atorneqartarnissaat ataatsimiitaliap tungaaniit naqissuserneqarpoq. Isumaliutissiissutip aappassaanneerneqarnerani siunersiuinermilu ataatsimiitaliap isumai oqaatigineqartut Naalakkersuisumit ersarissarneqarlutik sulissutigineqassasut ataatsimiitaliamit paasineqarpoq. Tamanna allannguutissatut siunnersummi piviusunngortinneqassanersoq ataatsimiitaliamit inaarutaasumik aalajangiunneqanngilaq, Naalakkersuisorli tamatuma eqqarsaatiginissaanut qinnuigineqarpoq.

Pinngitsuuisinnaajunnaarnermut katsorsaanermi suliniutit ersarissut suli pisariaqartinneqarneqarput sulilu ukiuni aggersuni pisariaqartinneqassallutik, taamaattumillu siunnersuut ataatsimiitaliamit nuannaarutigineqarpoq peqatigisaanilli katsorsaanermut suliniutit aamma katsorsartinnissamut neqeroorutit atorneqartarneri qulakkeerneqanngillat, taamaattumik inuttut inuiaqatigiillu eqqarsaatigalugit tamanna isornarluinnarpoq. Ataatsimiitaliap isumaa malillugu katsorsaanerup sunniutaa katsorssaanerullu pissarsiaqaataanera pillugit annertuunik piumasaqaateqartoqassaaq.

Atornerluisuunermut katsorsaanermik neqerooruteqartartut namminersortut sapinngisamik annertunerpaamik suleqatigineqassasut ataatsimiitaliamit inassutigineqarpoq. Inatsisitigut naapertuttoqannginnerata malitsigisaanik taamak pisoqanngippat, tamanna pillugu immikkut maleruagassiornissamik pisariaqartitsisoqarsorinarpooq.

3. Ataatsimiitaliap inassuteqaatai

Tamanna tunngavigalugu Naallakkersuisut allannguutissatut siunnersuummik saqqummiussisinnaanerat ammaffigalugu naalakkersuinikkullu oqariartuutit akuersaarlugit ataatsimiitaliamit siunnersuummut isumaliutissiissummi saqqummiunneqartut innersuussutigalugit siunnersuut akuerineqassasoq ataatsimiitaliamit inassutigineqarpoq.

Taama oqaaseqarluni isumaliutissiissummilu oqaatigineqartunut paasinnilluni siunnersuut inaarutaasumik ataatsimiitaliap pingajussaaniigassangortippaa.

Laura Táunâjik

Siulittaasoq

Stine Egede
Siulittaasup tullia

Karl Kristian Kruse

Nivi Olsen

Malene V. Rasmussen

Mikivsuk Thomassen

Aqqa Samuelsen
